

見聞續筆

玉谿見聞續筆序

文人不可無筆玉谿則兼擅三絕橫掃千人玉谿可謂有筆矣予兒時常聞先大夫言玉谿之孝心竊誌之不忘及來揚州見玉谿則固望望然一隱君子也跡其內行敦篤終始勿渝故天佑善人雖陷賊中卒能縋城而出年過花甲聰明強健猶日以書卷自娛爰舉數十年來目見耳聞之事擇其有關風化堪備勸懲者隨筆紀之得二十六卷梓以行世中外士夫幾於家置一編而玉谿則坐隨安室手操不律矻矻寒暑無少休近復成

續筆若干卷屬予序之予惟用筆之道不同有直筆有
曲筆有正筆有反筆有重筆有輕筆有放筆有縮筆且
有鋪張之筆有簡括之筆有烘託之筆有鍼對之筆有
典雅之筆有遊戲之筆而絕不可有一俗筆有一率筆
也若玉谿之筆玉谿自知之何待予之饒舌而予獨嘉
其講因果說禍福婆心苦口足令頑石點頭則言近旨
遠又儼若畫家之雙管齊下也其傳世奚疑焉或難之
曰是編多載詩歌未免有乖體例子應之曰古人不必
具論請讀阮文達之小澹浪筆談定香亭筆談卽可以

廢然返已

同治癸酉秋七月定遠方濬頤撰

題辭

宣城孫簪勳小尹

此日騷壇熟主盟客途何幸遇先生千秋史筆褒忠節

一代詩才寫性情克紹箕裘完素志

君刻尊先祖父遺稿并寶稊室古今

法帖皆承先志也

兼精書畫擅奇名大江南北游蹤遍贏得公

卿倒屣迎

白是君身福德全高人名士地行仙素甘淡泊心常泰

曾履憂危體愈堅豪興長存惟好友前因雖悟不參禪

君夢前生爲僧早知述作能傳世更祝康強到百年

見聞續筆

題辭

題跋

興化 劉熙載 融齋

尊著見聞隨筆刊就讀之曷勝忻慕先生積數年而成此書神間意暇力果心精均爲不可幾及至其旨關勸戒有裨世道其美更未易一二言也

吳縣 潘曾瑩 星齋

承示隨筆一部言之有物意在勸懲與搜神志怪迥別佩甚佩甚

江都 王春寅 熙臺

王谿先生見聞隨筆據事直書筆力復能深入顯出足以達其所見至寫勸懲之處直令雅俗共賞有功於世道人心洵非淺鮮定與前明郎公之七修類稿本朝紀文達公之如是我聞四種並傳於世巨眼有瞳者當自識之癸酉孟春之月謹跋

見聞續筆目錄

男功成錄校

卷一

吳和甫太史

蘭

雪山

仙人掌

山茶

開化夷人

草籤

師娘

借冬

賣雪

繩渡

馬雪樓居士

梯田

燕使君碑考

透明魚

界魚

燕子洞

殿頭孫某爲城隍

普洱太守紀夢

礦神

冬蟲夏草

千張紙樹

救軍糧

夷婦拏魂

獬夷

猓猓

夷歌

羅漢松果

芭蕉膽

楊老四將軍

霸王鞭

卷二

先大夫梅麓公文鈔四首

地球淺說

中星儀說

海運南漕議

稟復魏元煜制軍稿

卷三

先大夫梅麓公文鈔三首

對張師誠中丞札詢本年江廣漕米海運各條
四月續奏 廷寄後

代擬海運奏稿 陶雲汀中丞命作

復林少穆廉訪書

卷四

方蓮舫年丈蔗餘偶筆摘錄

香煙結字

貯顏堂

碑搨貫肥

南宋殿試題名

金鵝山墓地

古鐫

石筍祥兆

閔莊毅公絶對

豐道生書法

二龍戲珠地

不傷水族德報

徐文穆聯句

福文襄決卜

天后顯聖

浪頭湧月

海虎

夢白虎踞坐

酒量甲於天下

酒錢二十餘萬

食量懸殊

夢唐錢起來謁

夏王建德墓

蝦蟆入鼻

平侍郎前身是僧

太平宰相

憂謚

紀文達誕降仙人居

奏字卜鼎甲

珊瑚頂裂

紅蜻蜓十二對

待漏默誦經書

太常仙蝶

劉阮重來

白青麒麟

汪薰亭先生

程魚門編修

章相國名言

桂文敏前身是僧

陳酒療病至孝格天

汪文端起幽拔滯

記楊忠武公軼事

三則

記楊邁公中丞護相法

四則

惟德動天

忠烈塚裂

海蘭察公

斷碑硯

周文矩雪擁藍關圖

談星命

吳玉騮侍讀

節婦求傳

章解元

暗見題字

夢出天榜

蕭進士

治化之隆也

張孝廉

卷五

方蓮舫年丈蔗餘偶筆摘錄

黃琴士詩

李忠定印歌

劉南溪

天門開

天開眼

三絕

黃鶴樓太白堂楹帖

仙跡

堪輿

錢金粟爲冥官

余姓老人

鐵舟和尚

風鑑

子平

傳神

奇技

精奕

夢老子

能言前世事

崆峒山

天下第一

求雨鐵碑記

黃龍洞

吳興西崦梅花

定海大寺珠寶觀音

神鐘菴

瑪瑙大士寶相

貓石

顧夫人墓志碑

記西域軼事

十六則

海馬

蒟廬天地

巴里坤八景

石人引道

燉煌太守碑

天山松樹塘

姜信本征匈奴紀功碑紀異

福文襄碑

關廟聯句

哈密苦水

漢張騫碑

浩罕

和闐

濕死乾活草

札義烈公現像

鴉換班

夢竈君

老道

劉節婦示夢

長生術

卷六

方蓮舫年丈蔗餘偶筆摘錄

吳學士

福大宗伯

王比部

大硯

袁蒲桃

驚卵石

室內見牛

夢驗

神鴉

烈女

烈婦武氏傳

宮烈女

夢啖葡桃

胡錦棠爲土地

夢神來往

夢紅袍紗帽人來

吳興金圖詩

湖州沈漬桃花詩

兩人飲酒兩石

墨龍

鰲魚翻身

雲龍

蝦蟆報讐

紅鴉

綠蝦蟆

赤龍

石獅子偷肉

紅人踏船

翦背雲

矮道人

假穩婆

江獸

八公山

怪禽

蜻蜓異種

蜜蠹

蝎虎化蛇

蟋蟀化異物

於潛白朮

餘杭山竹

日本國紙

雲書

卷七

董阿祥投子報怨

馬姓投死得生

火燒教門

水沉香客

吊銅山黑米

文貝

題王谿居士山水畫軸

劉海蟾畫像顯靈

杯異

祀肉放光

逆子逆孫同時雷擊

李升做土地

馬貞烈女

花爆落鬼

蝦遊天際

吳侍郎德政

山茶示兆

賊來先兆

勒賄速報

貪酷惡報

典史爲友伸冤

竹枯示兆

借陽光壓陰氣

一門忠孝節烈

陸給諫懲無賴僧

戒殺善報

淫婦殺子

雷擊姦騙

狐媚

犬鳴冤

卷八

朱孝子

義僕代主死

李義僕殉主難

張孝子

顧太守失察顯報

雷擊惡婦

婦變虎

出米洞

得墓圖先兆

附錄阮文達跋得墓圖一則

澄清堂昇元帖考

西嶽華山碑

周父己高鼎

先大夫送唐石佛入焦山圖題詠

卷九

陽羨綬安古今體詩五十六首

卷十

陽羨綬安古今體詩四十三首

卷十一

吳門遊草古今體詩五十七首

卷十二

江淮湖海紀遊古今體詩七十六首

卷十三

黃山天鄣齊雲梅源遊草古今體詩五十二首

卷十四

古樹名花古今體詩四十一首

卷十五

古樹名花怪石古今體詩三十首

卷十六

金石龜古今體詩十三首

卷十七

先大夫雙谿草堂書畫錄

卷十八

先大夫雙谿草堂書畫錄

卷十九

先大夫雙谿草堂書畫錄

卷二十

張壽齋先生家傳

朱小尊

數定難逃

搶劫顯報

張麻子

雞火

犬異

忠伶

輕薄取禍

費姓善報

活人投猪

點化不悟

瓜蛇

義夥

陳孝廉功過顯報

燒屍惡報

還金德報

程孝子

劉烈女

少林僧

丁孝子

卷二十一

盜女報讐

忠勇節畧

孝婦二則

投子報讐

雷擊三則

淫報

史公祠墓聯

巴少謙遇長面鬼

胡翁德報

詩丐

張子岡贈朱孝子詩

僵屍

烏魚精

凌氏義女貞孝

卷二十二

五龍擊狽

長星現

厲鬼

義馬

惡僕殺主顯報

忠馬

義犬塔

鳴禽雞脚

梁心芳廉訪結獄

吳文節公

邱大惡報

成衣匠奸計

打鬼愈病

蜈蚣精

改過自新義賊

巧姻緣

王金聲

張吳氏貞孝節烈傳畧

卷二十三

產怪物

孝女鳳姑

奸僧欺騙

生魂索命

誤人自誤

冤冤相報

小老爺

賭誓靈驗

王小珊小傳

潘功甫掘井救旱

翦雞毛

謀地顯報

小善可爲

固執可笑

貓鼠鬪

飛頭搖

嫁金蠶

妖女

跡呼人名

瘴毒

木龍井

雷擊長舌

忍氣免禍

放蠱

亡父救子

扶鸞奇驗

扶鸞知警

害小姑惡報

蜈蚣飛天

王茂才袁江認子

吳觀察忠烈

卷二十四

吳門出難記

湖北節孝婦張章氏孺人行畧

古畫

騙驢冤報

見聞續筆卷一

婺源 齊學裘 子治

吳和甫太史

休寧吳和甫太史

存義

寄藉泰興。道光己酉之冬。余載

書畫出游清淮。返棹至泰興。訪太史於城中。留談兩日。

吟詩讀畫。樂不可言。太史贈余詩云。雲璈聲寫衍波牋。

別有霓裳詠眾仙。一樣玉谿生性格。不將錦瑟感華年。

紅樹滄江一棹開。衝寒十里載詩回。豪情更作遊山約。

泰華峯巔。豪筆來淋漓。畫稿染煙霞。海嶽風華擅一家。

好是雙谿草堂上。釣橋春雨寫梨花。料峭西風撲綺窗。
酒波燈影夜幢幢。更闌聽說神仙事。爲我邦溝訪雪江。
越一日余早起開船時。太史同余振衡先生明欽五參
戎同來畫舫作竟日談。暢觀書畫題余仿大癡畫卷云。
去艣動波影。我來重繫船。樹雲邀後晤。書畫得前緣。蒼
翠大癡筆。清冷中散絃。夜深有虹月。真似米家船。跋云。
玉谿大兄舟過延令。將解維矣。適余奉謁復停泊。竟日
出諸圖冊法書名畫。縱觀數十種。最後示所摹大癡橫
卷。覺生氣遠出。姿態橫逸。余誇眼福。因成四十字卽書。

卷尾以博一粲。予倒次其韻奉答。詩云。一夜西風好渡江。爲君特地卸帆幢。張燈對酒談無盡。菊影參差上紙窗。文章經世筆生花。餘事吟詩作大家。待到紅塵功行滿。黃山同去卧煙霞。如仙好句破空來。獨坐蓬窗誦百回。怪底間愁千萬疊。一時都逐行波開。小住蘇臺又十年。與君細說地行仙。謂吳雪江數學他時酬唱知何限。定翦江波續綵牋。辛亥秋日余寄懷太史詩云。菊影橫窗酒滿杯。吟詩讀畫好懷開。他年重放延令棹。再候清風入座來。同治十一年壬申之秋。余客邦江。得遇太史之二令。

嗣禮園世兄寶清出示太史手著雪輶錄一卷遂探數十則刊之以永其傳云。

蘭

蘭有七十餘種。實非蘭也。以花葉似蘭。卽蘭之魚子蘭。卽江南之珠蘭。虎頭蘭。莖長三尺許。花大如拳。望之可怖。雪蘭白潔如雪。但不香耳。最異者爲風蘭。連根葉以繩繫於簷際。則作花。物性之異如此。

雪山

雪山去麗江府不遠。山雪積自太古。長亘數百里。上無

草木土石峯嶸澗壑皆雪也。雪光所照，穀不能實。每歲至四月間，雲氣迷漫，將山全護。居民卽蒔秧。至九月穫稻甫畢，雲氣復開，寒光逼人矣。民食之重天心仁愛，特遣雲以助農事焉。

仙人掌

仙人掌。江南養於磁盎爲几席玩。從無見有作花者。滇中田脞山麓徧處叢生。且高至丈餘。大圍經尺。礪礪層疊擁腫縱橫。望之可憎。每掌端作花。黃瓣紅心。錯雜歧出。不可方物。真足詫異。

山茶

山茶花甲天下而真武廟尤盛。廟正殿以銅爲之。梁柱
牕櫺皆銅鑄。俗謂之金殿。旁有山茶一株高二丈。花時
萬朵齊放。大如碗。赤如朱。光耀璀璨。奪目眩睛。真奇觀
也。

開化夷人

陳廣文有光言開化有夷人。足忽拘攣。不能伸。痛不可
忍。數日將垂斃。鄰人曰。何不請鬼婆視之。莫是被人魔
害否。鬼婆者女巫也。於是合村中家各一人。攜一椀米。

至鬼婆處令視米碗。鬼婆乃指一人曰。此汝妻魔。法歸令自除之。其人新娶夷婦。歸卽問之。始極抵賴。衆因縛而倒懸。以竹梢拷掠。乃承認。用魔現埋後牆。破壁取之。有草人長三寸。一鍼穿其足股。乃釋婦令解其法。乃拔去鍼。其人之痛卽止。但足不能行矣。村衆舉婦投諸風洞。風洞者滇中處處有之。風從洞出。深不可測。若遇妖婦害人及劇盜獲之。卽投於洞。其事爲情理之外。其治之亦出情理之外。真宜存而不論也。

草籤

草籤夷人之卜也。卽雞骨卜之類。隨意取草卜之能知吉凶。往往奇驗。有劇盜久不獲。官購之急。有捕役佯爲盜。往投入夥。同劫掠者數月。一日盜取草籤卜之。曰。今日不吉。若行劫三人中必損一人。不如且同醉一宵。明日再議。二役佯諾。乃沽酒痛飲。盜衣籐甲。刀不能入。有鐵椎能殺人於數丈外。佩不去身。二役乃笑。請曰。今日無事。可請解甲及椎。令我輩一演試。當北面受教也。盜乃解甲與椎付二役。遂醉卧。二役因殺之以報官。夫以草爲卜。乃不拘何草。又毋庸再三。卽能驗吉凶。亦奇矣。

至盜知必損一人。而不知自當授首。真天奪其魄也。陳廣文言。

師娘

又言有師娘者。亦鬼婆之類。皆夷中女巫稱也。婦有子。年十五六。慮其爲夷女。跳月所誘。乃請師娘。魘之。師娘取此子之袴。攪疊極緊。咒之。埋山石罅中。此子卽如奄割。後三四年。將娶婦。復延師娘解之。及取袴。則爲山水所浸久。已腐爛。師娘曰。法當伸直。其針方可解。今已爛。法不能行矣。此子終身不能人道。

借冬

諺云四時常似夏。一雨便成冬。其實四時皆如春。秋分六月中。亦有絮襖。不御扇葛。冬日多晴。衣不裘。水不冰。木葉不脫。惟七八月間。積雨兼旬。則寒氣砭骨。土人謂之借冬。

賣雪

點蒼山在大理府。有十九峯。峯頂積雪。盛夏不消。土人取之。和粳鬻於市。謂之賣雪。人競買食。

繩渡

麗江府廓外金沙江有繩渡兩山夾江峭壁縣空怒流
迅駛舟梁勢阻因緣繩而渡焉繩以篾爲纜長及百丈
渡有二纜一左昂右低一右昂左低兩端皆繫於巖石
削木成瓦形覆纜上又縛索於木瓦垂索絡兩股以雙
手攀索人已縣空將木瓦一推則緣纜下趨瞬息已達
彼岸欲右渡者就左昂處坐索推之欲左渡者就右昂
處坐索推之漢書西域傳烏托國有縣渡谿谷不通以
繩索相引而渡當卽似此製也

馬雪樓居士

馬子雲上舍名之龍號雪樓居士麗江人博極書畫尤
精內典著有雪樓詩鈔卦極圖說心經印疏生平不娶
遊跡徧齊楚吳越間年六十歸寓昆明多與方外交甲
辰之冬余被試迤西與楊嶠谷廣文候於滇池之西就
野寺中拾松毛煨酒相約時余先見子雲詩欲晤其人
故嶠谷邀之同來也余爲賦雪山有奇士詩三章以贈
復書楹帖寄之云心同古雪不渣滓身與白雲無是非
卽雪樓集中句也

梯田

東西迤數千里。重巖複嶺。坡陀漫衍。無一平區。農田皆依山開築。塍隴層疊。隨山高下。謂之梯田。

縣使君碑考

縣使君碑。在陸涼州熊仲山。同年以拓本見。示己巳七月。道經陸涼。與州牧繆親訪此碑額。題宋故龍驤將軍護鎮蠻校尉甯州刺史邵都縣侯縣使君之碑。碑下方有宜徵相國題跋云。此碑文體書法。皆漢晉正傳求之北地。亦不可多得。乃雲南第一古石。其永寶護之雲南通志引桂馥札樸云。宋縣使君碑在陸涼州蔡家堡。

縣君墓前。碑高丈餘。有穿有陰。額在穿上。大明二年。故吏趙次之杜長子等所立。文爲縣道慶作正書。兼用隸法。饒有樸散之處。縣君名龍顏。字仕德。建寧同樂州人。近祖肅。仕魏爲尚書僕射。河南尹。君於晉義熙十年。舉秀才。除郎中。遷南蠻府參軍。試守建寧太守。遷本號龍驤將軍。護鎮蠻校尉。稱東縣烏蠻。西縣白蠻。是也。碑叙世系。遠舉楚之子文。漢之班固。風俗通云。班姓楚。令尹門班之後。按班爲子文之子。左傳作般。猶公輸般亦作班。碑雖傳會。亦有典據。縣氏見於載記。華陽國志。昌寧

大姓有縣習。蜀志建寧大姓有交州刺史縣深。梁武帝以縣瓚爲寧州刺史。瓚有二子曰震曰斷。隋開皇十七年。斷反。史萬歲征討。請降。明年人朝被戮。其子宏達。唐武德中爲昆州刺史。南詔碑有南寧州都督縣崇道。至後晉有縣判借。與殷思平兵以敗楊干貞。是縣氏自魏歷十數代未衰也。故謂之大姓。碑中多假借及別體字。如紹蹤作紹縱。鉞斧作越斧。簪纓作振纓。九列作九例。采石作菜石。幢蓋作幢幘。班作斑。匪作逕。淵作淵。匠作匠。近驂作驂。繫作縣。兩顯字並作顯。集古錄云。漢綬良校。

尉熊君碑。其書顯字皆爲顯。莫解其義。韻案濕水禹貢。
孟子漢書地理志。竝作濕字。蓋隸變累爲累也。益從益。
不從益。與魯峻碑同。戴侗曰。唐本說文有益。無益。是從。
益爲正體。可證徐氏說文之誤。碑陰軒卽軒字。漢碑陰。
有洪氏隸續言之詳矣。其頌以闡哲殺。與遊外會。曩爲。
韻案殺廣韻音所界切。禮器不豐不殺。卽此音。曹植黃。
帝贊以哲韻制。王粲誄以闡韻。久是也。又以霜藏傷與。
融躬蹤功爲韻。案東方朔七諫以當韻功。陳琳大荒賦。
以遑韻躬。陸雲陸府君誄以章韻蹤。可爲此照也。余以。

今尺度之。碑高九尺。廣四尺五寸。厚八寸。額作陽文。碑陽。湯漣十餘字。碑陰。蝕十餘字。仲山拓無碑陰。紙墨亦甚劣。過陸涼時。又未能摹搨。甚以爲憾也。

透明魚

透明魚。出廣西阿廬山洞中。余試瀘西時。令人往取。視之。魚長六寸餘。形畧似江鱗。口均八寸許。通體無鱗。潔白如玉。明澈如水晶。骨刺腸胃。絲縷皆見。昔東坡謂蝦爲白角衫裏水晶人。此魚則并不著白角衫矣。阿廬山在州城外十餘里。間洞甚深邃。中有天生石床。石几。乘

炬以入。莫測所止。以非驛路所經。未能一訪其勝。

界魚

撫仙湖與星雲湖相接。各寬數百里。撫仙湖出鯪魚。長五六寸。星雲湖出大頭魚。兩湖接壤處曰海門橋。有大白石橫水中。兩湖之魚至石卽止。謂之界魚。

燕子洞

燕子洞在臨安府東四十里。洞口廣百餘丈。一山中分兩口相向。一洞宏敞。中構禪閣。遊闌對巖之洞。則黝黑深邃。不知幾十里。瀘水奔入。澎湃之聲終古振吼洞中。

嵌室皆巢海燕。羣飛出入如恒河沙數。水聲燕聲嘈呖。嘈雜幾覲面不聞人語。甲辰三月與桑百齋前輩及朱蒼生次民兩昆季宿此。己巳之秋復與劉蓉嶠刺史宿此。則燕顰巖穴。惟高枕納江聲而已。

廠頭孫某爲城隍

家秋垣司馬言東川府廠頭銅廠承辦採礦謂之廠頭孫某爲會澤縣城隍。與趙味堂相友善。先是孫某歿後數日忽附其弟言某爲會澤城隍。今以廠務款項未明速請味堂趙公來一證之。趙卽至其舍。因言某月日所領工本已交

厥戶某某。匆遽未有案牘。恐滋疑故歸了此事。味堂叩其以何善行得爲神。曰。某五六歲。父母相繼逝。撫于祖母家。貧業賣餅。日售于市。日所得錢。暮歸奉祖母。不敢私用一文。及長。能力作傭工。銅版日得值。皆爲祖母備甘旨。已飢寒弗以爲苦。後祖母以壽終。某以誠實共舉爲厥頭。遂成室家。昨初死。見冥王謂事祖母二十年。如一日。以此孝行。當本處城隍焉。趙謂可常往來否。曰。公可宅人不可。公將爲昆明土地。如以禮相召。則仍當附弟身以酬答。時會澤令黃君夢菊。江西人。庚子進士。以

太翁染微恙。閒味堂能與城隍語。屬其代查太翁壽數。遂書啓焚之。忽其弟來作神語曰。黃公江西人。江西始有冊可稽。今已移文往詢。一日可返也。翌日其弟復來作神語曰。據江西城隍覆札云。冊籍無黃公名。惟有姓黃名某者。子爲會澤宰。某年當就養至署。某年月當患小疾。未知是否。所謂名某者。卽太翁之乳名也。因知冥中冊籍皆注乳名。不注官諱。東川太守山左李君德生。異其事。託叩官階曰。此又需至山東代查矣。翌日至日。已查得公家四代業醫。自高曾祖父皆以術濟世。不問

富貧貴賤必盡心力療治之。以此功德得陰後人公好爲之。正未艾也。味堂昆明人。方伯趙述園先生以清釐銅務。延入藩幕。詢以此事。信然。夫生爲醢。孝歿爲明神。此鑿然至理。卽所言兩事亦皆不謬。惟云注册皆用小字不用名號。則不可解也。

普洱太守紀夢

普洱太守黃公。以交代未畢。與新任守同居府署。夜夢二役云。城隍奉招。不覺隨之。往見廟宇宏敞。卽郡廟也。因趨入。將及殿階。神出位迎。謂之曰。非公也。乃新任太

守某耳。然既來此可少待。設坐接以賓禮。須臾新守至。神復坐堂皇怒曰。四川某邑令訟汝知之乎。方欲申辦。間旁一人以手捧首於頸訴曰。某爲令虧帑至數千法當誅。卽因公挪移而不早爲措置。罪亦當得。惟同時被逮者六人。虧數視某爲倍之。而某守任首邑令爲委審官。乃巧脫諸人罪。獨以宿憾置某于獄。使不能告貸償欸。致陷大辟。是以控諸冥王。求與赴質。神命鬼卒褫某守冠服。卽械解送冥王處聽處分。舉袖一揮。守令皆不見。顧某公曰。見否。遂命扶馬送之。還馬逸驚醒。卽呼僕

偵新守正中惡暴卒矣。

礦神

銅廠祀礦神最虔。神嗜觀劇而畏官長。酬神必演劇。管
廠之官皆相戒不得鳴騶。至廠之間唱道聲則神驚匿
而礦失矣。蓋神本裸裸爲之。故畏見官長也。不知真有
所受抑造作斯語也。路南州歲辦銅數萬斤。以不能足
額多賠累州牧耿君雲亭。不勝其苦力求卸任。省中諸
員無敢往者。大吏不得已檄徵江府兼辦其篆。時徵江
許菊泉太守亦不得已而任其事。甫接印卽有報報礦

旺使人驗之信。遂詳請給工本。一月得銅六十餘萬斤。省中譁然。耿以前累復求回任。星夜馳往。接印日。召諸廠戶至。則默默相視。問之云。一夕礦皆走矣。取前所取礦煎之。亦不成銅。及一月所辦。仍不足額。乃復至省。仍以許攝之。接印日。礦戶又報云。得堂礦。洞中得礦最大者謂之堂礦。驗之信。遂詳請大給工本。得銅千萬餘斤。以議叙加道銜。余初至滇間。是事以爲故神其說。及晤菊泉太守。詢之云。信然。後雲亭以邊俸遷晉洱太守。會於會城。詢之亦云。信然。因遍詢辦廠諸公。皆云。騰之衰旺。實非人力。

所能爲則神主之矣。厥皆祀神而不皆旺。則又非神力所能爲矣。豈地不變寶而出。必以時固不可測耶。

冬蟲夏草

繪齋中丞著本草圖說。多於時珍綱目者數千種。撫真時復得異卉數百種。非惟陸璣稽古所未知。卽其奇形異色。真有思議所不及者。有冬蟲夏草。冬則爲蟲。蠕蠕而動。首足皆具。夏則爲草。作紫翠植色。山中人取其半蟲半草者。鬻之。植物動物合爲一氣。又不特雀蛤雉蜃之化矣。何造物之奇也。

千張紙樹

千張紙樹。高丈餘。結實如皂莢。長二寸許。寬二寸餘。絳紫色。破之。中有紙層疊。積大可三四寸。潔薄勻淨。不啻千百。甲辰冬。余於景東途中見之。偶劈一筴。而紙則隨風飛颺。真異聞也。道中又有樹高數丈。大合抱。葉厚而植圓。大六七寸。每枝頂結黃實。如枇杷。詢之土人云。是枇杷。問可食否。曰。不可。因折一小枝。而折處有白漿如乳。不知樹爲何名。大凡滇中樹木花卉。有從古圖經所未載。里人隨意呼名。亦無從考證。並有詢之士人云。

是花無名者

救軍糧

救軍糧處處有之。高五六尺。枝幹虬結。實如天竹子。緣枝層累。其赤可愛。每株結滿翠葉。紅實勝天竹多矣。土人採之。斗量囊載。可以充飢。故名救軍糧。

夷婦拏魂

朱簪生云。建水石屏間。夷婦有拏魂術。與人有嫌隙。卽伺其人行處。取所踏土。咒之。其人之魂。卽隨之。婦禁於罍。益三日。卽死。習是術。皆是婦女。男子不能也。挾術者。

云。擎魂多則可長生。故雖無仇怨路過之人亦卽擎之爲所擎者。若知而破其術。婦亦卽死。東川聒通間夷人有變爲虎爲馬爲牛羊者。挾一帚于後。咒之卽變爲諸獸形。怖人于路而奪其貨。卽不行劫奪亦必月三四變云。可免疾病。山谷僻陋蠻夷性成怪誕。不可究詰。類此甚多。

獼夷

獼夷有旱獼夷水獼夷兩種。水獼夷婦女每日清晨必往山中浴著桶裙立水次以次卷其裙卽以次就深處

至卷裙子首。則全身浴于水矣。日日如之。人人如之。每
春夏瘡發。則男皆腹脹卧床席。而婦女不染瘡。一切力
作趕街子。皆獮婦也。城廂皆間數日爲市。北人謂趕集
滇人謂趕街子。有虎街猪街等名。
卽其日。干名各種人。亦婦女力作居多。
之卽趁墟也。

裸裸

迤西一帶。凡肩輿負擔。皆裸裸。冬夏皆披一黑羊皮。余
按試景東道。經南澗。周心穀年伯爲余言。每歲正月。裸
裸男女。十百爲羣。至署跳歌。每以短刀。勢面血。溶溶下。
且勞且歌。意甚歡悅。初大詫。怪詢之云。跳歌所以示敬。

剖面者藉以免災。必至署爲之者。賴官長之福也。乃知
務面雕題。確然有之。

夷歌

習聞夷人蘆笙跳月事。南澗多夷人。因喚男夷四人至
驛舍。二人吹笙。笙二尺五管。參差以納承之。復二人唱
歌。兩兩相對。迴旋躍舞。以足築地爲節。笙音靡曼。歌則
一字不可解。亦不甚可聽。後行近景東。至一山脊。聞女
子泣聲。悽惋悠揚。裊入雲際。及轉坡。見一女簪山花。滿
髻。顧輿夫而笑。因問輿夫曰。適聞泣者。此女耶。曰。歌耳。

非泣也。與夫屬其歌。則引曼聲。一響。懷動心魄。迺前
男夷跳歌聲也。惜未聞跳月時歌聲若何。

羅漢松果

羅漢松果長一寸。近蒂處紅如櫻桃。可七分許。下平上
銳。一子綴于上。色純綠。酷肖一僧披紅袈裟而趺坐焉。
始知命名之肖物也。味甚甘。處處有之。

芭蕉膽

王摩詰雪裏芭蕉。謂得畫禪。滇南少雪。而芭蕉則隆冬
青翠不凋。叢生有至數畝者。夜中或有赤丸光如火。自

葉中突起數丈。若流星。居人挾利刀伺之。見赤丸起。卽揮刀斷其本。卧根上。則丸落於懷。取佩之。云可辟礲火。謂之芭蕉膽。然取時稍緩。則落于地。雖掘土求之。終不可得。滇中人人知此說。而亦未有見者。卽所云辟礲火。亦未知信否。

楊老四將軍

嚴欣園言。昔署金沙江知事。因夏月感受瘴氣。寒熱交作。自開方服之。藥無效。五六日後。病勢愈沈。心中煩悶。夜不能寐。忽聞窗外二人對語。一人曰。此公病將愈否。

一人曰不能一人曰此公頗解醫能愈一人曰今三更當昏憤尙能定方藥耶欣園聞之因嘆曰嚴某從江南至此一萬里作官自謂無過惡竟病不起命也奈何忽窗外語曰公放心有我在病無憂也欣園應之曰今將三更矣倘昏憤尙望起耶窗外人曰不發熱則自不昏憤矣欣園因詢其姓名病愈當圖謝應曰我楊老四人呼我爲楊老四將軍再問之不答忽悟深夜何人相問答人又何以稱將軍正驚訝間覺汗涔涔而病若失矣明日起詢土人云楊老四將軍者金沙江神也有小廟

在江干。趨往謁之。偈隘如土地祠。前任張某甫創祀焉。於是謁誠謝後。逢朔望必虔叩。擬鳩工拓其祠宇。而力不能任。居民寥寥數十家。勸捐又不能辦。旋亦離任。

霸王鞭

霸王鞭又名金剛纂。本類仙人掌。但爲長條五稜。亦枝枝層累而生。高亦丈餘。作小花赤色。隨地有之。其根可作朝珠。謂之隨花香。